



De Bahnaesser.

De Herr Aesser vun de Bahn,
E eiⁿgebildes Herrche,
Schdolz uff sich selbscht, mit so em eßt,
So hääßt's, sichs net gut Herrsche.
Besunners ebbes kann er net
Verdrahe un verbuße
Wann zu verdraut enns mit 'm redd
Un gar ihn noch dhut duze.

Do is er uff die Jagd mol gang
Er is nämlich aah Jäger,
Un waß for enner, weid un brääd
Kennd's Wild kⁿ bessere Pfleger;
Schtolz seiⁿ Gewehrche umgeschnallt
E Fedder am grie Hiedche,
So schtammt er durch de dicke Wald
Un peift e luschdig Viedche.

Uff ähⁿmol war de Wald zu Enn
Un de Herr Bahnasesser
Sieht vor sich jetzt e Schtrect Gelänn
Mit Rize un Gewässer;
De ähnzge Paad fiehrt midde durch
Es werdd 'm jetzt schon imwel
Wann er draⁿ denkt: Do muschte durch
Mit deine neie Schtiwwel.

Do dhut denn Weg e Bauersmann
Mit seine Ochse fahre,
Der froht net viel noh Sump un Dreck
Er hadd jo Mischd gelaare.
„He Freind“, dem de Aesser ruft,
Kannschd Du e Weg meer sahe
Der drucknen Fußes durch den Sump
E nitwer mich dhut drahe?“

„Jia, saht unser Bauersmann,
Un zeigt mit seiner Gääschel:
Do gehschte do seersched gradaus
Biß wo deß Kreiz gezächelt.
Bun dort aⁿ halsched Dich immer links
Un dhuts aah manchmol schbrixe,

Die Aue zu un durchgedabbt,
Es sinn nor klenne Biße.

'm Herr Aseffer raacht er schun.
Dann Du zu ihm se saache,
Dozu geheerd mehⁿ als Geduld
Um sowas se verdrahe.
„Gell Freind“, er klemmd seiⁿ Glas ins Au'
Dann sowas macht sich besser,
Du wääschd net wenn De vor Dr haschd,
Ich bin de Herr Aseffer.“

Der Bauer guckt 'n drucke aⁿ,
Dhut kaam seiⁿ Käbbche lippe
Zieht an seim Klowe, dreht sich rum
Dhut mit de Gääschel wippe.
„Un wann De de Graf Deiwel weerschd
Deß dhet Dich aah nix niße,
Do mischde doch ferschd gradaus geh
Un links dann durch die Biße.“

